

hoc carta loquatur. Idcirco hortamenta salutis non minore debemus veneratione 796?  
curare, quam praesentis conloqui<sup>a</sup> ammonitionem. In ista saepe timor suadet con-  
sensionem, in illa fides legentis cooperatur saluti. Quae te, venerabilis filia, conscia  
summae divinitatis cognitione ammonui, haec te tantum deprecari ut mente retineas  
5 firma, satis necessarium duximus<sup>b</sup>. Nec aliquid novi litteris demandare possum, quod  
tunc sermone tibi ingererem.

Scis ipsa, quam diligenter te de corporis castitate et animae rogavi sanctitate;  
qualiter te de humilitatis officio, de orationum vigilantia, de elemosynarum largitate,  
de confessionis puritate et fidei firmitate et sanctae ubique caritatis observantia  
10 studiosissime instruxi; ut his gradibus ad celestis gloriae ascenderes celsitudinem.

Ecce me modo infidelitas patriae<sup>1</sup> in tantum horret, ut reverti timeo<sup>2</sup>; nesciens,  
quid de illa proficere valeam nisi perituram plangere et lacrimantis<sup>c</sup> Hieremiae lamen-  
tationes sepius revolvere, qui quadrivario alphabeti<sup>d</sup> ordine<sup>3</sup> ruituram luxit Hierusalem.

Et huius ruinae pars aliqua tibi calidas, ut reor, pro causa dilectae<sup>e</sup> sororis<sup>4</sup>  
15 excitavit lacrimas. Tamen hortanda est, ut in cenobio militet Christo, quae thalamo  
privata est viri<sup>5</sup>, et fiat ei temporalis tristitia incitamentum letitiae sempiternae.

Tu nominis nostri fideliter cum tuis omnibus in sacrosanctis orationibus vestris  
memor esto, obsecro.

Liudgardam quoque nobilem feminam<sup>6</sup>, quae tibi munusculi loco pallium direxit,  
20 habeto in Dei dilectione ut sororem; illiusque nomen cum nominibus sororum tuarum  
per ecclesiasticas cartas scribere iube. Honorabilis tibi est amicitia illius et utilis.

Misi dilectioni<sup>f</sup> tuae ampullam et patenam ad offerendam in eis domino Deo  
tuis manibus oblationem. Et dum oculis illa aspicias, dicito: 'Christe, miserere  
Alchvini servuli tui'. Et velim te cotidiana consuetudine usum habere offerendi Deo  
25 munus ad altare. Quia apostolica auctoritas hanc constituit consuetudinem, ideo non  
est omittenda sed diligenter proseguenda<sup>g</sup>.

Vive Deo felix, carissima filia, semper  
Et memor Alchvini, dulcis amica, vale.

## 103.

*Alcvinus Edilburgae (ut videtur) abbatissae pro muneribus gratias agit, portitorem  
30 litterarum commendat, Aethelfledae quondam reginae salutem exoptat. 796? post Apr. 18.*

*Codd. A 2 fol. 169, A 1\* p. 169—170 n. 124<sup>a</sup>.*

*Ed. J 60.*

DULCISSIME SORORI ILLI ALCVINUS SALUTEM.

Acceptis caritatis vestre munusculis, faciens de vestris orationibus, sicut petistis,  
35 et gratias agens vestre familiaritati, qua me amicali dilectione haberi cognovi in  
memoriam.

102. <sup>a</sup>) conloqui H. <sup>b</sup>) diximus correctum est in duximus H. <sup>c</sup>) lacrimantes H. <sup>d</sup>) alabeti H.  
<sup>e</sup>) delictae H. <sup>f</sup>) dilectionis H. <sup>g</sup>) persequenda H.

103. <sup>a</sup>) Lemma: Epistola Albinii magistri A 1\*.

40 1) Northanhumbriae. 2) Cf. supra ep. 101 p. 147. 3) V. quatuor lamentationum Ieremiae  
capita. 4) Aethelfledae, anno 792. ab Aethilredo rege Northanhumbriorum in matrimonium ductae.  
V. Simeon. Dunelmens. 792 (p. 54): Ethelred rex accepit reginam Elfledam filiam Offae regis Mer-  
ciorum III. Kal. Octobris apud Cataractam. J. 5) Aethilredi die 18. Apr. 796 necati. 6) reginam,  
uxorem Caroli M.